

Semai budaya keusahawanan di IPT

SH(Kuantan) Jumaat 18/7/08 ps: 14.

Penganjuran STUDEC'08 bertujuan melahirkan penuntut yang mampu menghadapi cabaran pada masa depan.

■ ZULKHAIRIL ZAINUDDIN

KUANTAN - Karnival Keusahawanan Universiti Malaysia Pahang (UMP) 2008 atau STUDEC'08 yang berlangsung 12 Julai lalu dan berakhir hari ini mampu memberikan pendedahan awal mengenai bidang perniagaan dan keusahawanan kepada penuntut IPT.

Ia juga satu usaha menanamkan semangat keusahawanan di kalangan mereka yang berminat menjadikan bidang ini sebagai karya pilihan.

Naib Canselor UMP, Profesor Dato Dr Daing Nasir Ibrahim, berkata ekonomi pada

masa ini adalah berasaskan inovasi serta ilmu pengetahuan dan penguasaan kedua-dua perkara itu membolehkan seseorang itu menempa kejayaan.

Menurutnya, nilai-nilai keusahawanan yang memupuk pembentukan individu berdikari dan berani menghadapi cabaran perlu disemai di kalangan penuntut UMP.

"Penganjuran STUDEC'08 ini adalah inisiatif murni untuk menyuburkan budaya dan nilai keusahawanan dalam diri penuntut," katanya pada majlis perasmian karnival itu di Astaka UMP, kelmarin.

Turut hadir pada majlis perasmian tersebut ialah Timbalan Naib Canselor Akademik dan Antarabangsa, Profesor Dr Sabarudin Mohd dan Dekan Hal Ehwal Pelajar dan Alumni, Profesor Dr Ab. Jalil Borham.

Menurut Daing Nasir, program pembangunan ke-

usahawanan yang dikendalikan Jabatan Hal Ehwal Pelajar dan Alumni seperti Latihan Keusahawanan Siswa (LKS) dan Kursus Asas Keusahawanan Siswa (KAKS) perlulah memberi penekanan terhadap 'good entrepreneurial values', 'ethics and practices' untuk dihayati.

Daing Nasir menyifatkan penganjuran karnival ini sebagai satu usaha murni di samping berharap agar STUDEC'08 menjadi medan mengasah bakat penuntut UMP dalam bidang keusahawanan.

Karnival yang dianjurkan bersama Majlis Perwakilan Pelajar, Kelab Keusahawanan dan PETAKOM dengan kerjasama Jabatan Hal Ehwal Pelajar dan Alumni (JHEPA) berjaya menghimpunkan 20 syarikat dan organisasi antaranya Majlis Amanah Rakyat (MARA), My10 Sdn Bhd dan Datainfo Sdn Bhd.



Daing Nasir (kiri) melawat gerai-gerai pameran yang mengambil bahagian dalam Karnival Keusahawanan UMP 2008.